



Pou Piblikasyon Imedya: 09/02/2022

GOUVÈNÈ KATHY HOCHUL

GOUVÈNÈ HOCHUL ANONSE PWOGGRAM SOU ANGAJMAN ISTORIK POU REVITALIZE SEKTÈ TOURIS ETA NEW YORK LA

Yon pati nan Inisyativ Rekiperasyon Ekonomik Konplè "Retounen ak Touris, Retounen ak Travay yo", 450 milyon dola Gouvènè a

I LOVE NY lanse premye efò piblisite pou konsomatè mondal; Ou ka wè I isit la

Nouvo zouti depistaj pou kalifikasyon anliy pou Pwogram sibvansyon tounen travay la ak Pwogram sibvansyon rankont nan New York la

Gouvènè Kathy Hochul te anonse jodi a pwogrè sou angajman li pou revitalize sektè touris Eta New York la, ki souliyen ak lansman novo piblisite I LOVE NY (MWEN RENMEN NY) la nan kad inisyativ "Retounen ak Touris, Retounen ak Travay yo (Bring Back Tourism, Bring Back Jobs)". Nouvo piblisite a ap pase nan televizyon lokal yo ak sou entènèt nan mache mondal yo chwazi yo, k ap elaji piblisite touristik peye I LOVE NY la pou mache etranje yo pou premye fwa. Anplis, yo te pibliye anliy enstriksyon ak zouti depistaj kalifikasyon pou de pwogram soulajman sektè touris yo k ap bay yon total 125 milyon dola, k ap ankouraje aplikan potansyèl yo pou angaje ak Empire State Development anvan ouvèti peryòd aplikasyon an mwa pwochen.

"Pandemi an te chanje peyizaj ekonomik Eta New York, epi touris la te youn nan sektè ki te frape pi plis, akoz yo te ankouraje rezidan ak vizitè yo menm jan pou rete lakay yo," **Gouvènè Hochul te deklare.** "Pandan n ap kontinye rekipjerasyon ekonomik nou, nou rete angaje pou revitalize touris la atravp Eta New York, epi gras ak bès ka ak ospitalizasyon COVID yo, ajoute sou angajman kontini Nouyòkè ki vaksinen yo, nou ka ogmante yon envitasyon bay vizitè toupatou nan mond lan nan tout sekirite. Nou ankouraje chak moun pou planifye yon premye vwayaj oswa yon vizit retou pou eksploré, eksperimante, epi pran plezi nan tout sa Eta New York genyen pou ofri."

Nan mwa novanm, nan kad inisyativ rekiperasyon ekonomik li a "Retounen ak Touris, Retounen ak Travay yo": Gouvènè Hochul te anonse plan pou yon novo efò maketing pou touris mondal I LOVE NY. Nouvo piblisite a sèvi pou raple vwayajè nasyonal ak entènasyonal yo menm jan ke Vil New York ouvè epi pare pou vizitè, epi nou envite yo pou vin fè pati de li. Anplis piblikasyon piblisite a nan mache nasyonal yo, pou premye fwa, I LOVE NY ap itilize yon eleman entènasyonal ki oryante vè konsomatè a ki gen

anons dijital k ap jwe nan peyi Ostrali, Kanada, Frans, Almay, Itali ak Wayòm Ini. Epi tou, I LOVE NY te fè patenarya ak tou operatè entènasyonal yo pou kreye epi fè pwomosyon pake vwayaj pou Eta New York ak Vil New York.

Nouvo anons 30 segonn lan prezante yon melanj atraksyon ki resan yo ak sa moun pi renmen istorik yo atravè Vil New York kòmanse pa "Take the A Train (Pran Tren A a)" ke Billy Strayhorn konpoze epi Duke Ellington entèprete. Anons lan ouvri ak Estati Libète a ak yon liy orizon Manhattan solèy la bay sou li, apre sa tou enpresyonan One World Trade Center a vini apre. Tèminal Grand Central ak Oculus akeyi vizitè yo kòm sant transpò ak mèvèy achitekti. Panorama pitorès yo ap tann nan atraksyon ki fèk ouvè tankou SUMMIT nan One Vanderbilt ak Little Island nan Pier 55, pandan moniman istorik ki dire tankou Central Park, Lincoln Center, ak Mize Lar Modèn nan pwolonje yon envitasyon san fen. Ou ka wè nouvo piblisite a [isit la](#).

Gouvènè a te anonse ke zouti depistaj kalifikasyon yo disponib sou entènèt pou de pwogram sibvansyon pou rekiperasyon touris ki te entwodui nan mwa novam yo nan kad inisyativ "Retounen ak Touris, Retounen ak Travay yo". [Pwogram Sibvansyon Touristik Tounen Travay](#) 100 milyon dola a, fèt pou ankouraje biznis touris ki te sibi pèt djòb ak revni ki lye ak pandanmi an pou re-anboche travayè yo. [Pwogram Sibvansyon Rankont nan New York](#) 25 milyon dola a bay sibvansyon pou ede sant konvansyon ak espas konferans yo pote plis evènman, tounen ak depans vwayajè ak travay yo nan Eta New York. Sitwèv pou toulede pwogram yo ofri yon zouti depistaj kalifikasyon pou ede aplikan potansyèl yo detèmine si yo kalifye pou finansman. Yo prevwa rann aplikasyon pou pwogram finansman sa yo disponib nan mwa mas 2022. Ou ka jwenn plis enfòmasyon, ki enkli enstriksyon ak egzijans pou aplikasyon yo [isit la](#) ak [isit la](#).

Komisè pa Enterim ak Direktè Egzekitif ak PDG yo deziyen pou Empire State Development lan, Hope Knight te deklare, "New York pa New York san touris, ki sipòte travay ak ti biznis nan tout eta a. Lè nou elaji envitasyon pou vwayajè entènasyonal yo epi bay soulajman ki sible pou moun ak kote ki fè New York yon premye destinasyon mondal, nou ka rebati ekonomi touris nou an pi solid epi pi rezistan."

Vis Prezidan Empire State Development ak Direktè Egzekitif Touris la, Ross D. Levi, te deklare, "Gouvènè Hochul te yon konbatan depi lontan pou sektè touris la. Dènye efò sa yo se yon piki ki empòtan nan bra a pou yon sektè vital nan ekonomi Eta New York pandan yon moman rekwasans ki empòtan anpil, epi I LOVE NY la vize bay sipò a patnè sektè yo. Ansanm, nou ka fòtifye touris la nan New York epi akeyi plis bizitè toujou pou vin fè pati de li epi jwenn sa yo renmen."

Senatè José M. Serrano, Prezidan Komite Zafè Kiltirèl, Touris, Pak ak Lwazi Sena a, te deklare, "Sektè touris nou an se yon motè vital ki alimante kominate ak endistri atravè eta nou an, epi li empòtan ke nou ankouraje nouvo vizitè yo pou vini epi eksperimante tout sa New York genyen pou ofri - soti nan atizay klas mondal ak kilti pou opòtinite lwazi anplennè san parèy nou yo. Mèsi a Gouvènè Kathy Hochul pou

angajman li pou yon ekonomi touris k ap pwospere, k ap jwe yon wòl enpòtan nan rekiperasyon nou apre pandemi sa."

Manm Asanble Daniel J. O'Donnell, Prezidan Komite Devlopman Touris, Pak, Atizay ak Espò a, te deklare, "Vil New York - ak Eta New York an antye - pwospere nan touris. Sektè vwayaj eta a te frape pa pandemi an, men l ap rekipere, epi n ap kontinye sipòte biznis sa yo. Nou akeyi fyèman vizitè toupatou nan mond lan pou pataje manje, plas, ak eksperyans etonan epi inik, ke nou ofri. Remèsiman mwen bay Gouvènè Hochul pou sipò kontini li pou patnè touris eta nou an."

Efò sa yo konplete kanpay aktyèl sezon ivè I LOVE NY la k ap montre yon akèy atraksyon sezonye ki disponib nan tout Eta New York. Piblisite 30 segonn lan souliyen aktivite ivè anplennè ki favorab pou fanmi tankou ski nan Whiteface Mountain, ski sou glas bò Kanal la nan Buffalo, ak moto nèj nan Forè Tug Hill Eta a. Pou sila yo k ap chèche chape kont fwa sezon ivè a, destinasyon tankou Mize Vanderbilt ak Planetarium nan Long Island ak Kartrite Resort ak Indoor Waterpark nan Catskills yo bay opsyon andedan ki inik pou yon retrèt an fanmi. Ou ka wè vidoyo a [isit la](#).

Pou ede planifye pwochen vakans ou nan Eta New York, tanpri vizite www.iloveny.com. Gen plis enfòmasyon sou retrèt nan Vil New York ki disponib sou www.iloveny.com/nyc.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)